



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მოგზაურობანი

მოგზაურობანი ლიტერატურაში, მხატვრული ლიტერატურის ჟანრი, აგრეთვე სამეცნ. ლიტ-რის სახეობა; ნაწარმოებები, რ-ებშიც მოთხრობილია ნამდვილი ან არანამდვილი მოგზაურობის შესახებ. მ-ს მრავალსაუკუნოვანი ისტორია აქვს. ამ ჟანრის წინამორბედებად შეიძლება მივიჩნიოთ ძვ. ბერძენი ლოგოგრაფოსები (პრობის მწერლები), რ-ებმაც დაიწყეს მოგზაურთა ნაწახისა და გაგონილის, მათი მონათხრობების ჩაწერა (ჰეკატეოს მილეტელი, ჰალიკარნას მიტილენელი, სკილაქსი). საყოველთაოდ ცნობილია დ. დეფოს, ჯ. სვიფტის, ფ. კუპერის, მაინ რიდის, რ. სტივენსონის, მ. ტვენის, ს. ცვაიგის, ა. რადიმშევის, ნ. კარამზინისა და სხვათა მოგზაურული ჟანრის ნაწარმოებები. ქართ. ლიტ-რაში ამ ჟანრის თვალსაჩინო ნიმუშებია ს.-ს. ორბელიანის „მოგზაურობა ევროპაში“, ტ. გაბაშვილის „მიმოსლვა“, რ. დანიბეგაშვილის „მოგზაურობა ინდოეთში“, გ. ავალიშვილის „მგზავრობა თბილისით იერუსალიმისადმი...“, ი. ჭავჭავაძის „მგზავრის წერილები“, გ. ორბელიანის „მგზავრობა ჩემი ტფილისიდან პეტერბურგამდის“, გ. წერეთლის „მგზავრის წიგნი, ანუ ჩიკოლიკი, კიკოლიკი და კუდაბზიკა“, ი. აბაშიძის „ამერიკა თვალის ერთი გადავლებით“, ა. ქიქოძის „ინდოეთის დღიური“ და სხვ.
